

四庫全書

集部

欽定四庫全書

集部

敬軒文集卷八

詳校官編修<sub>臣</sub>翟槐

中書<sub>臣</sub>劉源溥覆勘

總校官庶吉士<sub>臣</sub>何思鈞

校對官中書<sub>臣</sub>李斯咏

謄錄監生<sub>臣</sub>王鉞

欽定四庫全書

敬軒文集卷七

明 薛瑄 撰

律詩

簡楊景端

我到城中已五日  
子在山間不一來  
應畏風寒歷冰雪  
想憂澗滑行莓苔  
石泉繞戶只自語  
柴門竟日因誰開  
姑射今朝好晴色  
相期握手登崔嵬

留贈楊景端二首

千里歸來訪故人喜聞結屋澗之濱  
手披青史尋高士頭戴烏巾學隱倫  
樽酒細傾延好客斑衣輕舞奉慈親  
自慙東抹西塗手又促行珂覲紫宸

祇聞騰踏上亨衢何事中林又卜居  
谷口引泉看灌溉隴頭植杖勸耕鋤  
還同主婦供親膳更課兒童讀古書  
莫向家山窮此樂好將功業贄唐虞

簡孔別駕遊禹門用謝太守韻二首

別駕乘春訪勝遊禹門佳處重遲留兩邊翠壁連天起  
三級銀河入海流變化豈無神異物往來應有濟川舟  
遙遙明德人知否地闢天成幾萬秋

雙旌曾向禹門遊別駕今來亦暫留岸斷雲霞開翠壁  
天連棧閣駕黃流千金尚想波心瓠萬斛深期渡口舟  
如此山川元不惡可無詩句記春秋

冬至二首

九野蒼蒼閼太陰重淵脉脉動天心庖犧易有千年畫

金  
卷七  
康節詩存半夜吟忽向靜中聞  
競競却從無處見森森  
固知一氣何曾息祇是天根辯古今

萬古天開只此時却憐春意正如絲羣生已向無中見  
一氣還從靜處移匝地寒風徒凜凜行天化日漸遲遲  
吾心欲說知何似靜裏仍含未動機

讀文山傳三首

朔氣蕭森歲向深揮戈收淚動哀吟  
艱危已竭回天力慷慨猶存捧日心  
海水尋常秋月冷塞雲千里暮星沉

悠悠往事都如夢只有孤忠照古今

丞相聲名二百年分明往事在遺編  
初離故國悲禾黍再立危邦慘杜鵑  
大勢已傾寧畏死孤忠自許敢求全  
當時桃李知何限回首春風盡落然

氛祲冥冥暗海波英雄無地用干戈  
精忠在我當如此成敗由天奈若何  
渺渺蒼梧西日淡蕭蕭大地北風多  
睢陽錦里皆祠廟丞相勛名共不磨

登南坡

金少卿集卷七  
土阜層層有萬盤偶來高頂望人寰滿川宿麥浮青浪  
一帶晴嵐列翠鬟何處雲霞迷磧石數村桑柘繞綿山  
唐風晉問憑誰說地濶天高鴈影閒

春日懷劉僉憲三首

千里關河歸故邑兩年風景憶虛菴郢中白雪知誰和  
爨下清琴想自諳君擁霜臺名未已我傷風木意難堪  
近來幾欲裁書寄春鴈其如不向南

南望中州有所思山川回首歲華移早春京索銜杯處

晚歲嶠函駐馬時月滿覃懷陪款語霜清河朔寄新詩  
舊遊一一成追憶此後相逢更有期

虛菴事業久龍磨憲府乘驄歲月多已見風霜清郡邑  
况聞詞賦動關河幾回邂逅情如舊兩載相思意若何  
自古中州多勝迹擬從飛蓋盡經過

重登故鎮寺樓

重來故鎮已三秋又上招提百尺樓山遶飛甍浮翠黛  
岸遮遠日斷黃流迴溪俯瞰粼粼玉喬木深藏曲曲丘

莫謂此時窮勝槩還期汗漫九垓遊

紀先人舊遊三首

樹已成林麥滿郊春風春雨自飄蕭孤雲出岫飛還逐  
衆鳥歸林嘯且招俯仰空驚天地在低迷深覺歲華遙  
舊遊山水俱成感收淚思親首屢搔

陰陰夏木繞茅廬曾是先人舊寓居梁上又來前度燕  
篋中空有昔年書聲音尚想當窓發杖履猶疑隔戶趨  
五內此時摧裂甚詩成滿紙淚如珠

祇願庭椿過百齡寧知奄忽便摧零舊遊山水皆悲思  
昔住園廬蓋慘情菽水有懽成昨夢衣冠無計覩平生  
孫兒指點經行處清淚如泉散漫傾

雨中簡周東忠三首

獨抱離憂罷酒罇更看連日雨傾盆庭除汨汨深流潦  
几硯層層潤積痕往事一編聊自詫永懷千古向誰論  
先生最是知音者咫尺何由一扣門

兩耳瀟瀟怯雨聲三更起坐到天明小濡自合通宵濕

大廈何由不日成傾瀉只疑天漢竭奔流深恐地維傾  
會湏萬里清風至盡掃雲陰放曉晴

客居長日少人過況復經旬積雨多自愛窓前生綠草  
不妨門外注銀河頑雲礙日能為沴流潦因風解起波  
為問郡庠周博士此時官況定如何

贈海昌李太亨四首

客裏終天痛有餘感君相慰意難舒細論往日交情厚  
却訝連年音問疎肝膽舊看如古鑑詩篇今覩勝明珠

暫時相見還相別況是關河鴈過初

我在中州君在吳幾年寥落鴈書無每思謝氏登山屐  
長憶黃公賣酒壚忽共青燈談肺腑細看白雪點頭顱  
英雄不減當時壯耿耿秋空劍氣孤

古今身世共茫茫出處無端總是常才俊從來推賈誼  
功名未必老馮唐幾看上谷秋鴻影忽對中州夜月光  
聖代只今登俊彥豈容江海久徜徉

中州風景正淒清忽與交親話舊情往日襟懷常浩蕩

昔年豪傑漸飄零一渠汴水涵秋碧萬仭嵩山露曉青  
勝地相逢應不偶好將佳句詠耆英

簡揭克英府幕

聞道徵租日正忙暫移行幕駐僧房紅蓮泛水浮朝彩  
綠樹搖風引夕涼公暇不妨尋好句講時端復炷名香  
好將寬政安黎庶留取功名汗簡光

雪後寄楊景端

雪白山青北望高相思咫尺興滔滔若人未必傷沈鬱

吾道何須嘆寂寥  
董賈文章鳴治世  
臯夔事業擬清朝  
村居不識楊夫子  
懶慢何心作解嘲

讀許魯齋思親詩

洪熙元年冬十二月余扶先人柩至覃懷宣德元  
年春正月啟先母窆合祔於汾陽先塋既卒事因  
檢元音讀至魯齋先生七月望日思親詩乃悽然  
有感潛然淚下遂次其韻得詩三首因書先生詩  
於前以見先賢誠孝之心溢於言表雖百載之

下讀之猶足使人興起復書余詩於後以見余  
不仁不孝不能竭力於始終視前賢大節有愧

云

思却千思與萬思音容無復見當時草窓夜靜燈前教  
疏圃春深膝下嬉將謂百年供色養豈期一日便生離  
泰山為礪終磨滅此恨綿綿未易衰

次韻

觸目家山總是思思親況遇早春時日長每聽詩書訓

風暖頻隨杖履嬉百載韶華成荏苒終天涕淚感睽離  
自緣孤子無誠孝不是人生有盛衰

風光滿目動哀思春草春花似舊時堂斧已成終古恨  
斑斕不復往時嬉中宵祗解追前夢隔歲猶如在遠離  
却憶高堂覽明鏡曾將華髮嘆年衰

彷彿音容彷彿思衣冠出入憶當時成人未返林鳥哺  
稚子曾騎竹馬嬉椿老暮庭風槭槭草荒春塚雨離離  
固知罔極恩難報只恐終天孝易衰

曲沃道中二首

孟秋雨霽過新田綠樹人家斷復連  
汾澮波光晴泛日  
絳喬山色曉參天  
申生大孝留天地  
里克遺名載簡編  
何事齊姜墳上草  
忍將芳意度流年

四圍山抱一川平  
新晉猶傳舊日名  
汾隰漲消秋色淡  
虎祁宮老夕陽明  
歌傳烏鳥空遺恨  
詩賦椒聊謾有情  
往事無端何足問  
且聽父老說秋成

滎陽詠古八首

京索千年能戰塵空將往事問居民山川遠近皆陳迹  
道路東西是要津黃屋幾回思義士赤精終古有真人  
拔山舉鼎知何似馬到烏江感慨頻

萬山依舊接高丘京索於今不斷流莊段是非留隧道  
項劉成敗有鴻溝古槐樹歷歲時久大海寺經風雨秋  
更上高原訪遺跡荒城故壘暮雲稠

日迫天高秋氣清登臨懷古倍多情山連廣武故城在  
路入鴻溝草樹平甬道年深無舊迹索流歲久只新聲

興亡莫道皆如夢終古猶存楚漢名

楚漢干戈久已休尚存遺迹在中州幾灣流水風烟暮  
一片荒城草樹秋力戰可堪離廣武分疆空見指鴻溝  
當時四百興劉計只在張良一運籌

蕭蕭涼吹動秋空千古河山一望中廣武連營秋草碧  
鴻溝分壤夕陽紅石麟有甲含蒼蘚鉄馬無聲散曉風  
何限英豪俱泯滅白雲依舊出層峯

陵谷高低控虎牢戰聲消息水滔滔旌旗滿眼無遺迹

壁壘連雲只舊壕廣武西原通鞏洛萬山南面接嵩高  
悠悠往事皆如此懷古登臨何太勞

滎陽景物似當時不見唐朝老畫師隧道莊姜今已矣  
京城太叔果何為留侯計用炎光振亞父身亡霸業衰  
多少是非成往鑑莫將遺事使人悲

岡巒迴合一川平澗壑高低繞故城千古好山寧改色  
滿溪流水不停聲留侯總得翕張術漢祖深存駕馭情  
更莫登高發長嘯當時豪傑已成名

題沈令送別卷

雙鳬縹緲上青霄  
令尹朝天不憚遥  
密縣於今思卓茂  
淮南自昔想時苗  
玉階伏引龍旗合  
寶殿香浮雉扇高  
鴻鴈近秋多健翮  
佳章早慰此心勞

西郊看刈禾二首

為農每愛寬平地  
已向中州住七年  
莫道功名當早歲  
且看禾黍熟秋天  
蕭蕭滿地收霜穗  
整整成稞積晚烟  
濁酒一壺勞僮僕  
素餐深恐愧前賢

西原秋氣早生涼  
禾黍離離被隴黃  
穫處風烟輕捲席  
積來鴈鶩整分行  
大田已見多遺穗  
客廩應知足贍糧  
莫嘆書生親稼穡  
躬耕有客卧南陽

酬黃養正韻

翰苑香名久已聞  
薊門秋晚又逢君  
孤城木落蟲吟月  
旅館風來鴈唳雲  
眼底江山期共賦  
馬頭岐路惜重分  
遼西不久留才子  
昭代如今正右文

經王素亭舊居

野浦荒村訪舊居  
鳥啼花落碧窓虛  
蕪園不復栽紅藥  
閒館曾經看素書  
對酒每懷陶靖節  
論文長笑馬相如  
自從鵬鷃因風去  
水色山光思有餘

經玉田挽待詔魯仲輝

孤樹山前兩度過  
懷人搔首重悲歌  
文章事業今如此  
別鶴行雲竟若何  
渺渺夕陽鄉樹遠  
萋萋芳草旅封多  
人間俯仰堪惆悵  
不必臨流嘆逝波

都城即事

瞳矐曉日上蓬萊縹緲祥雲擁泰階旌旆風搖龍虎動  
簫韶聲奏鳳凰來九衢車馬香塵合萬井笙歌曙色開  
千古上游形勝地兩都欲賦愧非才

過苑仲仁莊居

爽氣澄清暑雨餘乘閒信馬到村居桑麻影裏元卿逕  
楊柳陰中靖節廬縱飲百壺賢聖酒劇談千古帝王書  
籬邊黃菊煩多種九日還來一訪渠

無題四首

逸思飄然賦遠遊  
可堪三島隔瀛州  
曾聞神女雲侵鬢  
見說麻姑雪滿頭  
海上樓臺常似畫  
山中瑤草不知秋  
若為借得仙家鶴  
鳴珮珊珊玩九州

桂館瓊扉薜荔牆  
清脩獨爾意難忘  
已將蘭芷為芳藉  
更集芙蓉製錦裳  
洛浦佳人鳴珮玉  
茂陵才子詠鸞凰  
應須一盞仙家酒  
散作人間雨露香

風滿珠簾月滿樓  
瑤臺有路可追遊  
香生寶鴨沉烟細  
露滴銀床玉宇秋  
楚岫三更雲渺渺  
藍橋千里浪悠悠

花箋寫就煩青鳥更為殷勤到十洲

絕世青娥二八餘仙容綽約好樓居  
鮫人夜織綃為帔雲女秋裁錦作裾  
碧海蘭苕巢翡翠瑤池清水泛芙蕖  
祇應待得吹簫伴共跨飛鸞躡太虛

題舊石橋

古橋歆側岸縈迴立馬臨流一愴懷  
鯨獸水沉沙底石蛟螭碑峙雨中苔  
闌干幾曲人頻倚華表千年鶴再來  
擾擾勞生只如此好將襟抱酒中開

宿水村二首

日暮江頭送客還，寂寥清夜不成歡。  
連天海氣當窻白，一枕江風入夢寒。  
雞唱遠村皆落月，潮生古渡已層瀾。  
披衣久坐待明發，白石歌餘興未闌。

投宿江村日已昏，村童還為啟柴門。  
壺觴欲醉黃翁酒，盤饌深慙漂母飧。  
夜雪生香蘆被煖，晚烟添綠土床溫。  
清宵總是滄波趣，莫向人寰取次論。

春日遣興

靄靄春雲度女牆  
萋萋春草遍芳塘  
園林風景非吾土  
庭館鶯花是異鄉  
野岸波紋浮鴨綠  
官橋柳色弄鶯黃  
不知多少相思意  
祇逐遊絲百尺長

秋日寄王嘉靖

漁陽秋色動關河  
遼右天晴一鴈過  
白社高人渾懶慢  
青氊學士久蹉跎  
西風對酒砧聲切  
良夜調琴月影多  
珍重遠書勞問訊  
相思千里奈情何

九日次徐懷玉韻

對酒東籬自詠詩遠山晴望轉逶迤秋容淡薄黃花節  
風景蕭條白鴈時醉閱人寰聊縱目靜思塵事久支頤  
年年此日無窮意笑把茱萸欲贈誰

簡白沈呂三藩府二首

雄鎮堂堂相府深爐烟不受曉寒侵調元總屬經綸手  
下士常存吐握心歲晚松枝留勁節春來棠葉藹濃陰  
豐功會見銘鍾鼎應有清光照古今

大國提封接帝居大藩公相盡名儒觀風歲久山常靜

宣德冬來日漸舒  
畫省煖雲浮  
瑞鴨雕闌晴雪照  
金魚書生亦有扶  
搖翼更借剛風到  
碧虛

留別文孫王宋四廣文

我客并州歲宴時  
偶然相見即相知  
香醪淺酌還深酌  
佳句朝題復暮題  
意氣難逢今日好  
風流不讓古人為  
嗟予走馬明朝去  
雪嶺冰崖有所思

早過天津

即直沽

烟收澤國曉天晴  
日出扶桑萬里明  
二水交流東海潤

一城雄鎮朔方清連雲風送孤帆遠夾岸潮隨大舶平  
借問關門來往客不知誰是棄繻生

七夕雨

天孫不乞人間巧故使秋雲蔽月輝銀漢晚烟迷鶴馭  
玉霄涼雨濺仙衣更無綵結看蛛綴祇想橋成有鵲飛  
獨立秋風倍惆悵通津何處問椿機

春日懷舊遊簡胥貢士二首

蘭門春色阻關河汴野東風長綠莎正是懷人烟景暮

不堪對酒雨聲多閒中謾寫凌雲賦醉裏誰聽白雪歌  
惟有流鶯相厚意柳溪花逕數來過

落落襟懷正黯然早春時節憶前年玉田城外花經雨  
藍水橋頭柳帶烟千里交游成遠夢百年蹤跡任皇天  
高山流水知音在還對東風理素絃

登資聖閣二首

梁苑清秋白晝閒偶尋名刹扣禪關百盤飛磴身遙上  
千尺危闌手自攀已見神遊朝貝闕便從羽化出塵寰

中天俯仰多時節  
颯颯天風冷  
珮環

化人樓閣倚晴霄  
大地山河極望遙  
秋入淮黃波浩蕩  
雲開嵩少影  
峯堯九天沆瀣寒堪吸  
八牖星辰近可招  
十二曲闌渾倚遍  
一襟涼思正飄飄

鹿鳴宴二首

揭曉鄉闈日正晴  
大開藩府會  
文星繡衣弭節皆英俊  
章甫持衡盡老成  
龍管緩吹金縷細  
鳳笙齊逐玉杯行  
酒闌歸騎西風穩  
蟾魄秋高萬里明



道人結屋滄州裏四面闌干枕碧湍石榻生寒秋氣潤  
柴門湧月夜濤寒鸞凰佩影空中見龍虎丹光水底蟠  
清絕一塵飛不到蓬壺元只在人間

送友人下第歸山東

殘紅滿地草萋萋把酒都門惜解携祗擬大鵬搏碧落  
可應騶馬蹶霜蹄天開汶水龜蒙近日轉瀛洲岱岳低  
一曲瑤琴休悵別重來雲路有丹梯

題溪山嘉趣圖

仙人騎鶴去已久猶有畫圖傳世間石林倒浸碧溪裏  
玉峯秀出青雲端數椽茅屋鎮寥閼一葉扁舟常往還  
借問此中何所樂萬事不羈山水閒

送王上舍歸省

鳳城南陌柳依依把酒東風送客歸上舍已霑新雨露  
高堂重舞舊斑衣文章濟世時應重忠孝傳家古亦稀  
我亦有親垂鶴髮願承天寵拜庭闈

登科後還家省侍

萬里鵬程浩蕩飛千年際遇古今稀初從天上看金榜  
又向人間戲綵衣衛水南旋帆漠漠晉山西上馬駢駢  
君親恩比滄溟大忠孝深期願莫違

洛水道中

古道縈迴傍險行蕭蕭禾黍晚風清無邊詩思嵩高色  
不盡年光落水聲華表柱傾秋草合龜趺碑暗雨苔生  
往來人世成今古一曲高歌寄此情

狄梁公墓

邛山山下重夷猶曠世思公涕淚流荒塚一抔埋義氣  
豐碑千古表忠謀李唐神器危還正武媚妖氛散復收  
更賴紫陽華袞筆奸邪聞見總包羞

陝州抵沙澗渡

重岡高下近弘農北首鄉關喜氣濃三晉雲山秋色裏  
兩河烟樹夕陽中棄繻誰識當年客操築應無舊日翁  
遠岸急風吹大舫令人却憶濟川功

雨中過條山

一夜秋空結晚陰  
曉來衝雨歷層岑  
山迴靈籟蕭蕭急  
谷轉雲濤漠漠深  
最厭潢流淹遠道  
酷憐霜菊拆秋金  
却思二十年前路  
岷水岷山萬里心

題蘇大尹具慶卷

祿養雙親志不違  
人生此樂似君稀  
階前椿樹風長靜  
屋背萱花露未晞  
百里忽傳毛義檄  
三春又舞老萊衣  
定知移孝為忠日  
應有聲名達禁闈

黃河阻風遣悶

遠岸沙飛風浪渾流漸不斷下三門蛟龍凍蟄波心水  
舟楫寒依渡口村破悶只須吟麗句消愁誰與貫清樽  
臨流苦憶殷賢相回首傳岩烟霧昏

和經武氏舊基韻

羽衣曾此侍鑾輿觀闕今為一廢區鸚鵡尚留青帝坐  
牝雞無復紫宸居已看大象飛寒燼又見天樞偃綠蕪  
惆悵當年多少事西風回首一長吁

送王別駕

十五年前是故人還家今見錦衣新麟經共仰淵源學  
騏足終為鼎鼎臣遠別黃堂當晚歲遙瞻紫禁正新春  
河橋分手情無限目送班生滿路塵

卜居後簡陳廣文

轉蓬天地欲何如又向中州買屋居峴首詩人王粲宅  
南陽豪傑孔明廬行藏祗想前賢迹事業惟存往日書  
賴有知音陳掌教時能相顧慰蕭疎

和劉僉憲見貽韻

明公年妙蘊經濟登車攬轡何壯哉昔遊梁苑思一見  
今在滎陽逢又來知音幸自遇青眼得意便當傾玉杯  
明日河橋暫分手亨衢有約共徘徊

有懷王大尹汝霖

昔當賤子還家日政是賢侯赴闕時暫對離樽論出處  
遠從別路說相思重來只見棠陰滿一去空憐鴈影遲  
好在當年舊山水登臨誰與賦新詩

有懷余廣文

先生去此幾經年一度歸來一惘然綺席每思留月醉  
書窻長憶聽松眠流傳尚有關心句清切難尋入耳絃  
負却山川無限好把杯吟向晚涼天

夏夜邑學士友携酒共話

留連不盡意如何良夜相陪笑語多銀燭檢書勞問難  
玉壺携酒費吟哦樓頭遠鼓催華月天外微風落絳河  
坐到中宵人客散壯懷猶擊唾壺歌

袁王杜三老携酒餽話舊酬以詩

為謝殷勤父老情到門相顧問歸程盤將銀鱸黃河鯉  
酒挈青絲白玉瓶細話交遊非往歲劇談閭里異平生  
從今杖屨頻來往南陌東阡儘送迎

有懷魏希文

君居薊北我汾陽隱隱雲山道路長每念昔年心事好  
却慙近日宦情忙一年經世詩盈紙幾度懷人酒滿觴  
想是龍鍾應有分莫交容易鬢成霜

聞蟬

夏館秋涼客寓居忽聞簾外一蟬初已知時序相催急  
併覺天真感激餘楚辭吟秋蛩韻切齊箏彈月鴈行疎  
裁書為報歐陽子萬響中間有太虛

秋日嶠汚道中

匹馬重經舊路岐西風蕭瑟晚秋時山川閱世無今古  
花草娛人有盛衰幾道泉鳴幽澗石兩崖蟬響夕陽枝  
祇應詞客偏多感處處秋光首首詩

送馬太守之西安

玉階新拜寵恩濃  
皂蓋西行五馬同  
秦樹到關開曉色  
岳連當路出奇峯  
好詢民隱周三輔  
為播仁風答九重  
青史古稱張趙蹟  
會看勛業繼前蹤

呈王大參

千年海岳鍾英俊  
獨步文章擢茂科  
執法烏臺留勁節  
分符薇省布陽和  
春風隴麥行邊秀  
時雨棠陰到處多  
金鼎調元應有日  
豐功行見被絃歌

春郊寓目

杏花開後近清明雨過郊原愛日晴風轉綠蕪浮曉色  
氣催黃鳥變春聲山連少室峯巒秀地入梁園草樹平  
此景真堪供眺賞恨無知己論詩情

登溫縣城

古堞攀躋最上層烟蕪渺渺望中平大河波浪排空濁  
少室峯巒隔岸青巷陌雨餘林影潤城壕風起柳花輕  
平生最喜登高賦况有沽來酒滿瓶

河陽懷古

武王曾此奮天戈繼世其如出狩何兩岸綠楊遮澳水  
滿汀芳草際黃河郝經墓古聲名大潘岳花殘歲月多  
遮馬堤邊重回首

遮馬堤即唐李光弼取史思明馬處

紫金山色鬱嵯峨

### 次陳廣文韻留別二首

滎陽南望萬山攢

萬山滎陽山名

偶此成家計未安生意祇憑

禾稼好離情惟向酒杯寬詩留東道春將暮馬渡西河  
夏未殘自笑往來成底事鼎彝勛業定誰刊

千里關河百里攢不知何日此身安祇應浩浩風雲闊

倍覺茫茫宇宙寬三晉到時蠶已老二陵行處麥將殘  
人生離合尋常事要使高名世不刊

晚登故鎮寺樓

危構峨峨杳靄間登臨不盡壯懷寬千年土地唐風舊  
一派河流禹跡間鳥戴夕陽歸遠樹龍携暮雨過前山  
此時無限飄然思便欲因風上九關

送楊景端赴秋試至寶勝寺

有客將為汗漫遊偶過山寺暫淹留門開佛殿金銀麗

路入禪房草樹幽  
市酒飲多還覺醉  
風蟬響急又驚秋  
君行若到丹丘上  
為報羣仙未白頭

秋日家山雜詠五首

八月家山覺早涼  
登臨懷古興何長  
醉鄉樂土輸王績  
魯國高文老卜商  
漢祀汾陰遺廟在  
殷遷耿邑故城荒  
樓船簫鼓空流水  
一曲秋風菊又芳

孤城北望萬峯高  
禹鑿龍門勢獨豪  
三晉山河還表裏  
千年人物舊風騷  
子安詩在名猶盛  
太史書成志已勞

難覓醉鄉王學士秋來禾黍滿東臯

蕭蕭林壑動秋風獨上崇岡四望同九折河流皆禹迹  
千年疆宇總堯封龍門獻策文中子麟趾成書太史公  
搔首高人今遠矣斷雲滿目送征鴻

黯淡輕陰結遠天無邊秋色正蕭然蒼崖斷岸西風裏  
古刹荒祠夕照邊黃菊已隨陶令老丹砂不信葛洪仙  
豪華靡靡皆如此惟有騷人麗句傳

雲山西去接崑崙河水東來下禹門疏鑿但能留勝迹

浮沈誰復問真源將軍三箭功何似教授千年道僅存  
獨立西風看秋色幾多心事向誰論

贈澤庠趙廣文三首

投宿山城雪打衣廣文情重啟華扉爐開瑞獸能噴燄  
燈結金蟲解吐輝官況不嫌如我淡交情深嘆似君稀  
明朝又上羊腸道回首寒雲滿目飛

先生事業竟何如護澤菁莪樂沛濡玩目豈無清獻鶴  
傳家應有子昂書緗縑歲久芸除蠹堂戶年來觀送魚

握手臨岐何所祝  
洪淵還好探驪珠

登科輸子只三籌  
梁苑當年一樣秋  
往日已曾傾蓋語  
今朝何必典衣留  
瓶添醴醕頻斟酌  
唾落珠璣迭唱酬  
咫尺關河隔南北  
晉山明月下中州

夏溪書舍為劉進士賦

高人臨水築茅堂  
入牖開風面面涼  
芳草滿庭交翠色  
露荷當檻發幽香  
彈琴石瀨含秋響  
杖策藜燈耿夜光  
我欲携筇遠相訪  
暫從墳典話黃唐

題沈令雙桂堂

小山人去歲悠哉移得芳叢夾戶栽  
綠蔭共隨簷影落  
清香時逐綵衣來  
年深應有連枝瑞  
老大寧非聳壑材  
總賴高堂培養力  
秋風還有幾花開

題沈令瞻松卷

底處知君憶所天  
瞻松終日涕漣漣  
春翻時雨情何極  
秋灑涼風興慨然  
鳥語故巢天欲曙  
鶴來滄海月初圓  
此情欲問何時盡  
直到蒼蒼化石年

酬師中吉見貽韻

老成名譽遠流傳忽寄新詩到客邊  
玉札丹砂應有訣蒼顏白髮保無愆  
失雲病鶴翎猶健趣日芳葵色自妍  
莫向周南嘆留滯丹梯依舊好攀緣

送李少府從征

相知未久又分襟春色離情兩不禁  
暫解瑤琴辭汴水還衣畫錦過家林  
野塘日暖冰消玉官路風和柳蹕金  
談笑青油有餘興鱗鴻頻為寄佳音

和曾僉憲贈劉僉憲韻二首

乘輅早歲赴三川按節中州又幾年天啓貞符欣際遇  
星明執法羨超遷網維已見當時振詩卷仍留後世傳  
邂逅幾回嗟又別好期勛業在凌烟

聞築烏臺一室成四圍曉色抱虛明簾櫳雨過琴書潤  
戶牖風來枕簟清白筆通宵飄爽氣訟庭長夏絕囂聲  
懸知到處留遺愛賸有棠陰繞棟楹

題劉僉憲琴書清處

虛菴底處貯琴書聞築幽軒傍所居竹葉分陰侵几席  
松花和雨點階除調高鸞尾初離匣帙古芸香正滿厨  
好在希聲與真意一襟清思迥難如

興隆寺

百尺高臺接女牆梵王樓閣白雲鄉窻開北極星光近  
簾捲西山爽氣涼遠岸風蘆秋瑟瑟滿城烟樹晚蒼蒼  
因知一氣乾坤大併覺身心入混茫

魯齋先生覃懷書院

南北風塵瀕洞中天開人極產英雄幾年力學尊尼父  
萬里心傳得晦翁自信興王為大道豈知伐國是元功  
當時歸老情何切為愛西山萬玉峯

簡柴同知

手持雲錦到天鄉鷓鴣亭衢共頡頏獻法十年推定國  
分符千里得王祥清聲籍籍傳中土爽氣飄飄接太行  
政暇好書還自覽新涼昨夜滿黃堂

覃懷秋曉作

樵樓月落曉鍾清  
起坐南窓讀聖經  
道大豈如湖海闊  
義微何止羽毛輕  
天開阨堦鴉初散  
風過園林葉盡鳴  
便欲出城閒極目  
西風清絕有高陵

覃懷秋夕詠懷

客裏覃懷又過秋  
一樽相對興悠悠  
論材恥作千人俊  
投筆寧期萬里侯  
霜葉滿庭紅不掃  
月華當戶靜還留  
人生志業無窮在  
肯學潘生歎白頭

寄沈仲安廣文

幾度相逢汴水邊  
好懷偏為客留連  
北窓夜坐銷銀燭  
南浦朝遊並錦韉  
共指黃流經朔漠  
獨尋廣武暗秋烟  
與君幸自俱年少  
莫寄安成內史篇

贈袁司訓

華胄遙遙代作公  
先生還此振儒風  
已從桂籍看清譽  
又向芹宮識粹容  
狂飲尚能欺臘蟻  
放歌誰復感秋蓬  
追隨駿馬城南別  
笑拂吳鉤氣吐虹

修武懷古二首

春過寧邑馬行遲攬轡東風眺望時  
淬劍池留中散迹  
承恩鎮駐武王師  
劉伶醒酒臺猶在  
漢獻封公塚謾遺  
七世同居良亦少  
至今人詠義夫詩

寧邑南邊穎水流  
勒兵周武幾經秋  
黃崖石古烟雲合  
青口山深草樹稠  
百佛謾存岩畔迹  
七真無復洞中遊  
循良衛蠅今何似  
猶有高名播九州

敬軒文集卷七

欽定四庫全書

敬軒文集卷八

明 薛瑄 撰

律詩

送王秀才登鄉第歸覃懷

文運天開四海清  
新頒鳳詔屬賓興  
中州河岳鍾神秀  
梁苑風雲集俊英  
祇見驪珠千鎰重  
肯同魚目一毫輕  
看君得意歸鄉里  
何異當年畫錦榮

雪後至西郊二首

偶爾閒行出近郊  
新年殘臘氣將交  
蒼茫遠道風初定  
寂寞平原雪半消  
春色漸催山色動  
天光渾逐水光搖  
乾坤滿目皆生意  
何必清宵看斗杓

臘到新年纔幾日  
四郊生意已欣然  
高低雪色春融液  
遠近煙光水接連  
已覺洪鈞回大地  
更看白日麗中天  
歲華人事皆如昨  
只有思親意惘然

題陳僉憲族譜二首

華胄誰如陳氏賢一門幾世住蛟川  
宗分衆派多遺澤家富羣書總舊編  
蘭玉在庭爭奕熒鵷鴻得路競騰鶩  
新裁譜籍增光耀珎襲應須久遠傳

蛟川喬木綠成圍詩禮傳家古亦稀  
挿架牙籤充棟宇分行蘭竹秀庭闈  
清門接踵襲黃榜烏府連聲兩繡衣  
積德由來應未已佇看譜牒旋增輝

偶坐道傍獨樹下看山

獨樹道邊清影密偶來閒坐已多時  
塵勞擾擾於人厭

山勢亭亭與客宜  
遠谷蒸雲能變化  
亂峰聯碧自逶迤  
褰衣便欲尋幽勝  
只恐山靈解勒移

雨後寓目

天衢廓落放新晴  
渺渺烟郊四望平  
嘉樹戰風搖野綠  
好山經雨洗空青  
兩間滾滾皆新氣  
衆水滔滔只舊聲  
玉燭已調今有象  
萬家耕鑿荷生成

夏日簡陳廣文

靜掃書齋坐日長  
好風時復送清涼  
焚香讀易添新趣

隱几看雲憶故鄉。蛻殼已聞蟬響急。將鵲頻見燕飛忙。  
索居久欲來相訪。觸熱其如汗作漿。

沈廣文送梨榴

八月梨榴俱已熟。殷勤相送揀珍奇。黃如楚國來柑橘。  
紅似瀘戎擘荔枝。磊落堆盤香並美。酸甜濺齒味皆宜。  
少陵肺渴全消釋。只欠瓊瑤答所私。

新鄭詠古

經行鄭國舊山川。禾黍秋風駐馬看。烟樹幾灣流水在。

荒城千載暮雲閒時門雨歇無龍鬬大隗山高只鳥還  
借問當時賢相國幾多遺愛在人間

扶溝道中

古堤東去路漫漫與客聯鑣縱大觀草木近浮梁苑閣  
烟霞平入楚天寬清風細細催蟬韻爽氣飄飄近馬鞍  
行到扶溝詢舊俗大賢千古仰高山

留別鄧司訓

偶過儒宮幾日留廣文清義若為酬連床夜聽蕭蕭雨

聯句朝吟淅淅秋臨水乍驚新漲急看山還喜遠青浮  
蟬聲驛路明朝別回首高城古木稠

秋日遣興簡陳廣文

西風連日雨初晴已覺新涼滿戶庭玄鳥相將寧見影  
寒蟬寂寞已無聲能文解動高人興對酒誰同好客情  
賴是長沙老詞伯新詩相送小童清

秋日王屋道中五首

崎嶇連日太行中王屋名存縣已空濟水難尋潛地脉

天壇遙見出雲峯黃花夾道開清露紅樹漫山醉晚風  
處處登高重回首客懷秋思浩無窮

路轉山迴處處迷不登絕頂即尋溪寒泉徹底清人目  
亂石盤空割馬蹄繞逕黃花猶戲蝶隔村紅樹乍聞鷄  
無端客思匆匆甚好景其如每倦題

地闢天開有此山經行祇覺礙人寰久知元氣包空外  
細看長松走石間有水遊魚還上下無名啼鳥尚間關  
高秋不盡登臨興客況何由一日閒

盡日區區歷險艱山光時為破愁顏一川霜葉翻紅袖  
幾簇烟嵐綰翠鬟佩玉聲清秋澗急旌幢影落暮雲寒  
時登絕頂看天地元氣氤氲杳靄寬

寥落山家處處稀尋幽陟巘馬行遲滿溪紅葉沉秋水  
半嶺霜棉吐夕暉雨霽石田收稼了烟深松逕負薪歸  
詩成只恐山靈笑千仞峯頭一振衣

登中條山東頭

魏國中條此盡頭登臨暇日興悠悠兩崖勢轉黃流靜萬

壑聲寒碧樹秋官舍飛甍臨遠谷琳宮細路繞層丘  
風光滿目皆吾土逸氣飄然總勝遊

戲題紅葉

自是霜根獨占先晚秋殘綠變紅鮮  
臙脂膩染嬋娟女金醴濃薰綽約仙  
入水忽驚丹伏鼎向陽還訝火生烟  
秋光宛似春光好搖蕩相思九月前

登中條山望大河有懷戴趙二同年

登高遙望大河南木落天空爽氣含  
細路微茫通汭洛

亂山重疊接崢嶸  
函白雲關塞新過鴈  
黃葉園林舊駐驂  
最憶韶陽同榜客  
往來長是縱清談

寄襄陵丁廣文

風雪匆匆老歲華  
往來三宿廣文家  
名香泛靄薰瑶席  
書燭分光照紫霞  
別路迥驚汾水遠  
離情長繞晉山斜  
多君鳳穴風流在  
擬向鷓鴣班次第誇

送湯自新之永和令

羨君初拜九天恩  
銅墨之官喜氣新  
一路好山迎去馬

二陵時雨浥行塵  
花封舊有唐風厚  
政績當如漢吏循  
我亦趨朝應有日  
佇看名譽達楓宸

神州八景

瓊島春雲

昨夜東風海上過  
玉京瑤島得春多  
數峯秀色分金碧  
滿谷祥雲絢綺羅  
暎日已增千古瑞  
隨風頻繞萬年柯  
祇看出岫為霖處  
長濟蒼生樂泰和

太液秋波

仙家島嶼繞瀛洲一鏡波澄淡靄收影浸玉樓先得月  
光鋪翠簾早生秋九霄氣接銀河迥萬頃風行雪浪浮  
自是此中涵帝澤年年長向世間流

玉泉垂虹

山澤從來一氣通山頭飛瀑瀉玲瓏隨雲已作千秋雨  
暎日還為五色虹瑤澗金銀騰寶氣碧霄珠玉濺高風  
若為剪取冰千尺一洗塵懷萬斛空

居庸疊翠

玉峯相向復相連一雨初收霽景鮮橫界曉空青未了  
平浮春野翠無邊鳳城佳氣通朝靄鰲海晴輝接曙烟  
自是古今天設險皇圖永奠億千年

盧溝曉月

一曲清流遶帝畿宿雲收盡曙光微疎星尚照離離影  
殘月猶涵淡淡暉霜滑石橋征鐸響風清沙渚塞鴻飛  
經行併覺塵埃盡多少清光上客衣

薊門烟樹

石門相對一川平  
嘉樹依依接鳳城  
密繞溪村雲未斂  
半遮山寺雨初晴  
歸鴉向夕穿新綠  
嬌鳥啼春護落英  
試向高原凝望處  
祇疑韋偃畫初成

金臺夕照

千年玄社已消沉  
尚有荒臺僅數尋  
壞埒只今生翠蘚  
頽垣不復貯黃金  
山銜落日留殘照  
樹擁孤雲帶夕陰  
駿馬無聲衰草合  
冷風涼月暮蟲吟

西山晴雪

皇都一夜散瑤華曉見西山霽景嘉照日凍泉封素練  
蹴天潮海漲銀沙晴暉近接仙人掌爽氣平浮上帝家  
多少玉堂揮翰手此時清興正無涯

寄舍弟塘四首

同侍先人久宦遊先人沒世莖林丘弟脩蘋藻居鄉里  
兄竊功名上帝州鴻鴈影分思並宿鵲鵲聲遠念相求  
勉脩令德光前緒頻寄書來解我憂

先母亡時汝四春先人辭世汝成人二親恩比乾坤大

一氣情如手足親  
荆樹願同珠樹好  
棠華期與歲華新  
故鄉聞道逢艱日  
生計無忘早晚勤

父母生來汝與吾  
承家付托藉良圖  
立身莫若親賢士  
防患應須遠酒徒  
得善便當銘肺腑  
敬身寧使損肌膚  
兄年謾長慙無德  
併寫斯言列坐隅

幾載艱虞西復東  
正趨明詔老親終  
含悲共汝辭河朔  
輿櫬還家托故封  
忽憶鵠原千里遠  
祇應棠萼兩枝濃  
願叨微祿膺天寵  
早得焚黃拜祖宗

送牛給事領勅命還南京三首

趨朝北闕近臣回  
送別南風祖席開  
玉佩暫辭鵷鷺侶  
畫船行近鳳凰臺  
江山爽氣臨官署  
星斗清光接泰階  
此去超遷應有日  
中朝屬望想重來

黃門三載北趨朝  
又沐天恩下九霄  
別思暫傾燕市酒  
好風宜放潞河艘  
家人蟠子占應近  
官舍燈花結未消  
聖代兩京宏治化  
好持忠謹答軒堯

南歸紫誥喜新頒  
送別都門擁大官  
鸞紙分題殊浩瀚

羽觴行酒任飛翻  
呂梁浪穩仙舟度  
京口風清客思閒  
想到秣陵瞻北極  
便應咫尺見天顏

元氏詠古

太行西望翠成堆  
白石諸峯爽氣來  
元震劍鋒留石刻  
李躬書院長青苔  
磨磐南接田文墓  
槐木東連漢將臺  
獨羨三公神異久  
會鍾英傑位台階

磁州詠古二首

北來行色正駸駸  
馬傍西山靜客襟  
淦水源從龍洞出

漳河流自發鳩深卓茆亭古無遺響勝景園空罷賞心  
翹首川原思故老尚留珠玉到如今

持節南行過滏陽川原繚繞接衡漳神麇山下河流出  
牛尾岡頭故塚荒風月舊樓餘斷刻大明遺剎有名章  
園林花木南薰細猶似祥蓮九夏香

邯鄲贈賈進士使關中

接踵青雲滿後塵君於道義最情親寧知握手邯鄲地  
同是觀風郡國人大華倚天秋氣爽洞庭橫劍曉霜新

相思南北須珍重  
早約回轅覲紫宸

留贈沈仲安廣文

年來初識沈休文  
楚楚才名迥出羣  
學道每能安素履  
論交端擬薄浮雲  
幾連華榻眠春曉  
又共清燈語夜分  
我向湖南重相憶  
莫忘書札往來聞

釣州詠古次虛菴韻二首

南風攬轡過中州  
陽翟名邦得縱遊  
彩鳳臺空芳草合  
黑龍潭靜淡烟收  
馬經潁水清無迹  
路繞黃山翠欲流

眺望幾回情未已遠空雲影自悠悠

匹馬南行接楚州路經櫟邑遂清遊學仙人去洞猶在鳴  
鳳臺空聲已收無限好山皆北向幾灣野水盡東流  
垂鞭不管馬行緩更覺閒吟情緒悠

釣州分司槿花盛開戲作

分司庭下舜花開清倚雕闌絕點埃坐客正看新朶盛  
遊蜂仍逐暗香來欲留芳艷明朱幌忍見殘英墜綠苔  
縱是鐵冠心似鐵也應花裏暫徘徊

襄城詠古

連村綠樹近襄城駐馬郊原眼界明  
汝水似環流處碧  
首山如案望中平  
具茨每笑莊生誕  
掛劍常高季札名  
佳句獨思韓吏部  
太平今已息天兵

葉縣詠古

沙河南度草烟平  
綠樹陰邊見古城  
湛坂戰爭非義旅  
昆陽破賊是雄兵  
鳬來尚說王喬舄  
龍去空傳葉令名  
黃栢山前田漫漫  
已無沮溺舊時耕

贈舞陽朱進士

甲科選士擢才良喜見天荒破舞陽彩筆昔年同戰藝  
藍袍今日又還鄉相逢莫厭金樽滿談笑聊便竹牖涼  
栢府先登應自愧好期他日共飛霜

慈氏寺留題次虛菴韻

義陽慈氏古叢林風景蕭然靜客心到院好香浮細靄  
隔簾幽鳥送清音槿花妙有空中色柢樹濃交戶外陰  
持節他年重過此會須細聽穎師琴

應山四賢堂次鍾文亮韻

平蕪青滿讀書臺為憶前賢故故來  
一代高名曾仰德  
百年陳迹但興哀  
碑文剝落漫苔蘚  
棟宇傾頽因草萊  
欲奠椒漿無處所向風搔首重遲回

至武昌口號

不須飛蓋遠相迎  
暫向霜臺弭使旌  
藩臬盡知周典禮  
吏民皆識漢官名  
千年有幸逢熙皞  
萬國同風樂太平  
自顧樗材叨寵渥  
秋毫何以答天明

嘉魚寓目

舊時沙羨號嘉魚邑小人家星散居官舍高低叢異木  
大江環繞合重湖蜀山駐蹕空傳漢陸口屯兵已罷吳  
更上層峯肆遐覽晚雲飛盡楚天虛

登岳陽樓四首

人間聞有岳陽樓三十年來快此遊舉目但知天地闊  
憑闌不管歲華流江通巴蜀千山漲湖接瀟湘萬頃秋  
浩想希文話憂樂關河直北是中州

高城粉堞背層山城上危樓俯急湍湖水欲包天地外  
棹歌只在水雲間湘靈鼓瑟今何在仙子凌風去未還  
遍倚闌干閱今古白雲渺渺白鷗閒

玉斧飛霜過洞庭岳陽樓上寄高情天涯楚樹千行綠  
湖面君山一點青今古留題才浩渺往來登覽歲崢嶸  
中天徙倚多時節笑挹高風滿抱清

澤國西風淨曉烟登臨暇日興悠然連空海水浮員嶠  
拍岸江聲送畫船蘭若滿汀懷楚客雲霞終古憶飛仙

東南壯觀知應少細讀留題記往年

桃源詠古次趙子裕韻

雲林兩岸夾江津持節從容得遍巡  
百里仙源通異境幾家流水斷征塵  
溪頭翠竹偏宜夏洞口紅桃已放春  
一自輿圖歸聖化更無人世避咸秦

辰陽秋日

雄城百雉控蠻荒山翠高低護女牆  
萬里梯航通六詔五溪烟水下三湘  
邊氓久已漸華俗遠客頻應望帝鄉

地氣于今同北土  
早秋時節雨生涼

辰溪二首

分司門外大江橫  
恠石參差岸不平  
眼底秋山無限好  
坐中涼吹有餘清  
棗垂翠葉丹砂重  
蠟滿青林素練明  
莫道蠻荒少題詠  
龍標詩有五溪名

辰溪縣裏駐華驄  
人俗雖殊景物同  
隔岸好山高聳玉  
遶門流水遠涵空  
雨過晚砌苔痕綠  
涼入秋堂蠟炬紅  
為念遠氓情未已  
夜深欹枕翠帷中

金文四八  
卷八  
沅州簡劉主事

瀟洒沅州舊憲臺  
草秋持節自天來  
池邊脩竹知誰種  
牕外寒梅待我開  
永日已應無兩造  
清宵時復望三台  
知音更遇鵷行侶  
客裏如何不放懷

送劉主事之貴州三首

每憶襄陽孟浩然  
喜君風致自翩翩  
聲名重比千鈞鼎  
藻思深如萬斛泉  
玉節分光來北極  
軺車結軫會南壩  
沅江此別何時會  
應在春花未發前

沅州相送意何如，正是秋風八月初。  
蘭芷香來飄客袂，芙蓉花發照征車。  
丹砂水碧登天府，洞獠林蠻入版圖。  
萬里山川遊覽遍，好將風土載成書。

畫省官僚總俊才，早知名譽動金臺。  
細論黃甲聯鑣步，同是青雲接踵來。  
邂逅龍標官署靜，分携沅水健帆開。  
明年二月花如錦，送子東風上玉階。

沅州秋夜獨酌

江城秋夜畫堂清，市酒沽來只自傾。  
遶壁任教蟲響切，

金史卷八  
照人偏喜燭花明七千里外思鄉邑十二時中望帝京願  
布仁風滿南極還將遠俗奏彤庭

發沅州

畫船清曉發沅州送別官曹簇遠洲  
雙艣忽隨高岸轉孤城已隔亂山稠  
殊風異俗多經覽瘴雨蠻烟任去留  
向夕燈明何處泊蒼蒼候館石林秋

過沅州見故鄉父老從戎者與道家鄉事多有  
識先人者因賦此

邊城父老舊鄉隣弭節從容問所因  
綠鬢已應辭故里白頭猶解識先人  
衣衫尚有唐風舊童稚皆傳楚語新  
為說好安耕鑿計只今雨露萬方勻

黔陽九日

黔陽九日意何如北望神京萬里餘  
行院已無人送酒故園應有鴈傳書  
銖冠不向秋風落黃菊仍霑曉露舒  
霜滿南天消惡氣錦囊何必佩茱萸

黔陽

龍標山下古黔陽二水交流萬里長風土往時為異俗  
車書此日混遐荒棕林帶露毵毵碧橙實經秋顆顆黃  
清晝栢臺無訟牒旋吟佳句旋焚香

龍陽懷古

縣城北枕大江頭水國輕烟澹不收星土從來分翼軫  
雲山何處是金牛濯纓尚有當時水種橘猶存舊日洲  
極目洞庭波漫漫幾回乘興欲東流

益陽詠古

淡水西來遶縣流，烟波遠接洞庭秋。  
津頭客舫足江貨，岸畔人家多竹樓。  
甘壘草荒秋月淡，裴亭樹老暮烟稠。  
浮丘仙子何須問，我亦當年賦遠遊。

同侍御張勉夫院宿二首

持節俱從遠地回，連床兩喜宿烏臺。  
談詩細雨燈前落，對酒清風柳下來。  
白雪敢歌當日調，青雲未負此生懷。  
霜蹄曉踏香泥去，笑指空衢萬里開。

風雨霜臺集暝烟，同官復此對床眠。  
消懷酒味於人好，

報喜燈花向客妍  
談困尚誇肝膽壯  
睡酣不覺鼓鐘傳  
明朝定是晴明候  
通籍還應覲九天

寧鄉遇雨

湖南風土異中州  
歲暮蕭蕭雨不收  
黃葉未全凋老樹  
青林猶自滿層丘  
傳聞累歲都無雪  
祇覺三冬總似秋  
却憶故鄉天道正  
迎霜已著禦寒裘

寧鄉詠古二首

千家縣樹古黔中  
四望雲烟鎖翠峯  
水引溫泉分地利

雨來雲洞仰神功  
朱門道學推張拭  
宗室忠賢數魏公  
鬱鬱遺阡今尚在  
滿山松柏撼高風

風烟渺渺接長沙  
竹樹蒼蒼繞縣衙  
入境已知山水秀  
觀風殊覺士民佳  
魏公華表橫秋草  
易祓巖扉掩暮霞  
更覓南軒讀書處  
寒梅開遍古祠花

長沙喜天色晴霽賦此

連旬山雨濕行旌  
弭節長沙喜晚晴  
岳麓斷雲歸洞府  
瀟湘皎月照江城  
銀河一派仙槎穩  
牛斗三更劍氣橫

金史卷八  
樽酒此時聊自適  
滔滔不盡古今情

長沙四詠

湖南清絕有長沙  
江市悠悠郭外斜  
水合三湘開浦溆  
山連五嶺散雲霞  
鷓鴣踈雨黃陵廟  
鵬鳥殘陽賈傅家  
且喜登臨窮勝觀  
不須懷古重興嗟

江城卑濕少塵埃  
霽景風烟四望開  
水接洞庭從北去  
山連衡岳自南來  
悠悠八翼陶侯夢  
落落千年賈傅才  
自昔為邦多故老  
總留風節使人哀

名郡前賢是舊遊  
我來迴想興悠悠  
少陵幾醉樽中酒  
子厚重題驛畔樓  
岳麓雲霞常帶雨  
洞庭波浪遠涵秋  
為邦誰似朱夫子  
道與湘灘晝夜流

明時持節按湖南  
澤國風烟到自諳  
客舫盡應依水市  
人家多是住山嵐  
三苗已見華風遠  
五嶺應知聖澤覃  
廊廟只今登俊彥  
不勞詞賦弔湘潭

寶慶喜雪

一夜瑤華遍楚墟  
霜臺曉色正清妍  
天從北極行時令

氣肅南荒壓瘴烟春信喜傳庾嶺樹客懷寧憶剡溪船  
觀風使者無他祝願與官曹詠有年

答何永芳三首

星斗東來轉玉衡遠遊時序不須驚邵陽松竹迎寒秀  
濟水林芳待煖榮政美已如金碗蔗官廉爭比玉壺冰  
獨騎驄馬經行遍喜見民風處處清

邵陽風土接湘衡賢令之官犬不驚此日銅章分氣象  
往年金榜被恩榮無心真宰初行雪有脚陽春欲泮冰

持斧自天行郡邑溪山隨處好風清

飛騰還擬秉鈞衡小試牛刀豈足驚滿目山川開壯麗  
無邊花草待欣榮瘴消楚越山多雪春滿湖湘水不冰  
笑指梅花賦佳句栢臺風致有餘清

武岡山行

武岡南去萬山深水雪我我闕太陰石磴盤空飄凍靄  
板橋橫水急清音前旌婀娜回飛鳥吹角悠揚過遠林  
玉節壯遊天地大風霜祇保百年心

沅州已酉元日二首

邊城萬里入提封  
元日瞻天拜舞同  
星麗碧霄皆拱極  
水趨滄海盡朝宗  
千年舊仰甄陶力  
三始仍看長養功  
遙想鵷行義勇侶  
繡衣應染御香濃

履端宏啟三陽運  
戀闕遙馳萬里情  
龍尾仗嚴鞭韻徹  
鳳池班整珮聲清  
風霜每抱瞻天敬  
葵藿寧忘向日誠  
玉節趨朝應不遠  
會從鵷鷺紫霄行

沅州賀正旦歸院賦此

千門結綺遍江城  
竟夕風傳鼓角聲  
兵甲森羅嚴虎隊  
旌旗繚繞簇龍亭  
車書萬國開元日  
文武同心仰聖明  
歸到臺中添喜氣  
紅梅花底覓詩情

沅州院中紅梅二首

冬來都未有羣芳  
祇見春紅滿後堂  
新萼半開含國色  
繁英爛發散天香  
宿醒未解風前醉  
穠艷猶疑雪裏粧  
幾度巡簷索清笑  
仍燒絳蠟待昏黃

自是人間第一花  
天教絕色冠羣葩  
可應洞府神仙質

粧點水霜御史家  
踈影入杯翻絳雪  
清香隨手折紅霞  
詩中帶得江南物  
歸到鷓鴣取次誇

沅州元夕

一年佳節又元宵  
異域春雲滿眼飄  
院落梅花凋冷蕊  
池塘柳色弄新條  
昇平樂事懷中夏  
老大丹心戀聖朝  
獨擁霜臺清似水  
紅燈幾點月明高

贈別賀侍郎

一別經年梅柳新  
相逢沅水意何親  
栢臺英俊推先達

桂籍聲名忝後塵又捧天書清部伍幾操憲節達陽春  
中朝屬望歸來早佇沐龍墀寵渥頻

二月十五夜

花柳池臺宿暝烟清宵俯仰興悠然一年好景春纔半  
萬里晴霄月正圓憲節遠依南斗外鳳城遙在北辰邊  
馬周舊是新豐客呼酒東風憶往年

五友詩

竹

此君風致自踈踈相近相親慰索居翫目每看高節長  
留情深托寸心虛清脩飽歷風霜久濃渥深承雨露餘  
好在百年無剪伐賸看新笋上霄衢

梅

憲府孤根別占春清標瀟灑離風塵南州花思偏留客  
東閣詩情解動人玉管吹香風力軟冰壺涵影月華新  
坐令懷抱深如許暗想調羹事業親

蘭

一自移根遠谷來，便添清興滿烏臺。  
羲娥馭日光風轉，青女飛霜絕艷開。  
每憶瑤琴翻雅調，謾充騷佩慰高懷。  
同心托契應非淺，細看流年雨露栽。

菊

一氣蕭森百草黃，獨留此物傲秋光。  
霜從降後殊多艷，風不來時亦自香。  
詩客采英秋得句，佳人倚竹暮凝粧。  
歲寒惟有烏臺客，共保芳根近畫堂。

蓮

菱荷相並滿青池不受飛塵半點緇高蓋每看濃露集  
曲房一任好風吹天姿不假雕鐫力妙色多應造化奇  
靜立亭亭如有待結交須賦愛蓮詩

沅州三月一日思親

先人忌日

風木摧心已四年沅州春日苦暄妍無邊雨露滋羣物  
大地陽和浹九泉慙忿敢忘當日訓守身期佩昔人弦  
光榮不及酌親願俯仰終天涕泣然

春日再發沅州

又住蠻州似故鄉官船兩度發沅陽貪看獻歲春山綠  
却憶高秋老樹黃宦迹不應辭遠近天游真可縱徜徉  
沿流儘有新詩興夾岸風來杜若香

黔陽野人有饋魚者詩以酬之

幾日山中只飯蔬野人攜籠饋雙魚欲懸却恠羊生矯  
學放猶疑子產愚酬價且傾官廩米割烹恐有故鄉書  
甘腴悅口斯須味一飽應知不顧餘

疊前韻

正是行厨薦野蔬多情野老送江魚細詢漁釣知何樂  
解道綸竿自養愚金錯飛聲初膾玉銀盤放筍且推書  
殷勤更欲沽僮僕食罷還應問有餘

辰陽端午遣懷二首

五溪五月當五日時俗猶存舊楚風角黍堆盤人送玉  
龍舟疊鼓水搖空入簾山色隔江翠照眼榴花向日紅  
賜扇遠懷鵷鷺侶去年同謁大明宮

辰陽况復遇端陽沅水牽情萬里長鳳闕當年頒扇早

龍墀此日賜衣香獨簪白筆叨天寵遠抱丹心憶帝鄉  
未必蠻中久留滯趨朝應只待秋涼

發沅州舟中寄陳侍御二首

駐節沅州整一年束書今喜遠朝天久知按部無膏澤  
自愧居官費俸錢前度江流行思好舊遊山色別情牽  
西風一夜歸心切北極恩光日月懸

捲旗沙上簇雕戈畫鼓催舟發棹歌歸思載瞻黃道近  
交情將奈繡衣何一江烟水澄秋練兩岸雲山擁翠螺

欲問清宵別來意冷猿啼處月明多

泊武口驛

風濤近接洞庭湖楊柳堤邊水驛孤回首已應蠻徼遠  
登樓殊覺楚天虛征帆北客依津市貢篚南金引舳舻  
清夜不眠持憲節歸心先到帝王都

洞庭湖阻風四首

高秋木落洞庭寬白筆南征使者還蘭若馨香懷澧浦  
烟霞縹緲認君山已應湖海添清氣更覺風濤入壯觀

枉渚維舟苦留滯岳陽樓上憶憑闌

繫舟無奈北風何遣悶還應一放歌日射湖心翻錦浪  
烟收山頂露青螺蒼梧水闊秋天遠斑竹雲深暮雨多  
千載湘纍無復見欲從何處弔英娥

海內無如此壯遊高風木落洞庭秋青山半在波中出  
白浪渾如天上流騷思難尋澧浦佩客程頻望岳陽樓  
江河遠客情何似浩想希文獨未休

濤聲連日捲銀沙野渚無聊眺望賒數點雲山湖上出

一行風葦岸邊斜老髯難覓仙翁笛白簡還乘使者槎  
况是中秋明月夜瀟湘久客正思家

湖中阻風望君山

一望君山咫尺間不堪連日阻風湍祇愁枉渚維舟楫  
安得遙空縱羽翰天地盡應浮海水蓬壺自昔隔塵寰  
會須掛席過林麓石磴攀蘿極妙觀

湖中風濤大作

正是清秋月色多大風終夜鼓洪波銀山萬疊來高下

鐵騎千羣入盭摩好夢驚回朝帝闕歸心併起望天河  
明當少轉封殲力百里平湖頃刻過

登小孤山

二十年前曾過此今朝重上小孤山九霄旭日清光近  
萬里秋風爽氣寒南紀諸峯連地脉東流衆水會天關  
江山不盡登臨興望闕思親正倚闌

儀真三詠

東南水陸會真州河朔風雲拱上游潮落瓜洲遠渡出

天連揚子大江流，迎鑾鎮古名猶在。  
解劍橋荒事已休，多少繁華成俯仰。  
萬家烟火不勝秋。

聞道真州景物多，晚秋時節偶來過。  
蒹葭暮雨連滄海，楊柳西風落漕河。  
曉岸帆檣南客舫，夜船燈火北人歌。  
寓居候館情無限，一寸丹心奈爾何。

大江分派入儀真，楊柳人家夾去津。  
舟楫東南來貢賦，衣冠西北會星辰。  
雲通赤岸天多雨，境接滄溟地不塵。  
欲問東園無故老，苦吟搔首向風頻。

歌風臺二首

芒碭雲連古帝鄉  
歌風臺近泗河傍  
蚤提三尺安天下  
尚想羣賢守四方  
英魄有靈藏地遠  
威名無比配天長  
當時赤幟知何似  
紅葉園林夜有霜

故城南畔泗河隈  
漢祖歌風有舊臺  
樂飲一時酬父老  
壯心千古憶雄才  
新豐桑柘蕭疎盡  
芒碭雲霞散漫開  
一自鼎湖龍去後  
英魂幾復沛中來

發通州再往湖南

海內江山已慣遊  
今朝重泛潞河舟  
初辭天上雙龍表  
尚想雲間五鳳樓  
壓岸曉霜明憲節  
到船寒雨濕貂裘  
預期回首當開歲  
未必湖南可滯留

過流河驛挽王侍御

停舟沽酒酌王君  
忍見寒蕪徧旅墳  
歧路可無人世別  
星霜便有死生分  
青驄騰踏名猶在  
白鶴旋歸語竟聞  
俯仰幾回增感慨  
朔風吹斷海西雲

襄陽懷古

鄧城繞過見樊城舊堞荒涼總舊名廢沼幾行寒鴈下  
疎林數點晚鴉鳴分茅尚自懷山甫謀國何須羨曼甥  
更問襄陽千古事峴山依舊漢江清

襄陽逢至日

襄樊又喜遇陽生士女傾心玉燭明一晝已占吾道長  
六符仍覩泰階平朔風吹雪荆山曉化日流春漢水清  
大地陽和從此布栢臺寧復冷如水

遊岳陽圓通寺

巴陵古寺有圓通寺下平湖接太空禪室靜涵鮫室冷  
梵樓遙映蜃樓紅諸天只在虛空外萬象皆歸曠蕩中  
鐵面道人人不識偶來登覽自從容

遊君山

兩過君山苦未遊今來山下暫停舟雲林一逕蒼苔合  
佛殿千年古迹留日月每從波底出峯巒常在氣中浮  
人生志節當如此屹立狂瀾幾萬秋

桃源道中三首

初聞勝景如天上此日經行已再來水入松篁鳴處急  
山圍村塢到時開荒溪難覓當時洞廢觀空餘舊日臺  
謾說人間有仙跡不知天地也塵埃

兩日桃源道路中無邊清興每相供雲山過後層層見  
澗水行來處處同蘿逕烟光籠軟翠松巖雲彩絢新紅  
何當一覽蠻中小更上淮南萬仞峯

桃源景物信幽奇幾度游觀愜所思丹珀石峯巒雲裏見  
青蒼林木鏡中窺漁舟一去仙源合石洞重來珀石鮮滋

金華集卷八  
惟  
有武陵溪上樹年年花發使人疑

沅州元夜同陳侍御觀燈

萬里歸來自帝朝沅陽今是兩元宵詩從見月添新興  
人喜觀燈得俊僚北極星辰垂地遠南天瘴癘到春消  
栢臺風致清如許梅蕊頌香入凍醪

戲詠五友

五友留連興趣多相看長是動吟哦梅花酸實垂垂盛  
蘭畹香風細細過老大竹根生嫩笋輕通藕蒂長新荷

不知黃菊花開日已別還應未去何

沅州雜詩十二首

積雨連朝喜晚晴天開睥睨望邊明水添沅澧新濤急  
山洗黔巫宿瘴清奉使每期三尺正觀風快覩萬方平  
霜臺永日多詩思新笋兒孫次第生

駐節三年尚未歸黃梅庭院雨霏霏池荷柄短青錢小  
露竹梢長粉籜稀大道久知千古在遠懷未信一生違  
新晴眼界何空闊萬里青霄羨鳥飛

金史四八  
卷八  
正是霜臺弭節時不堪風物動相思庭前綠草飛蝴蝶  
城外清江叫子規北地關河頻入望南天雷雨自無私  
預將歸橐酬知己萬里觀風賸有詩

遠山重疊繞孤城城下蠻江一曲清溪峒人家猶異俗  
市廛兒女帶華聲戶將烏鬼為生計地產丹砂當歲征  
自昔黔中風土惡遠遊那得易為情

涓埃無補聖明朝持節南荒歲月遙幾見闌干生薜荔  
旋看烟雨綻芭蕉山城每聽鐘聲早金闕常思扇影高

為報鵷行舊知己耽書未解子雲嘲

焚道西連蜀道長五溪風土古蠻鄉相傳遺種多槃瓠  
見說藏書即酉陽梅雨來時諸水漲野雲飛處萬山蒼  
鐵冠自是心如鐵一任江如九曲腸

剪燭空堂欲二更堂前新雨夏蟲鳴每因時物思劬育  
未有秋毫答寵榮歲月不催雙鬢綠詩書祇倚片心明  
端居遠想千年事漢室還應召賈生

大化無邊歲月長幾年寒暑歷荆陽衡巫望處天三尺

湖海流來水一觴心地平時為福地異鄉好處似家鄉  
烏臺一夜芭蕉雨賸有新涼入畫堂

聖化如天統四溟黔中封界拚荆衡壺頭不復當時險  
充道無如此日平渺渺荒烟含遠岫悠悠流水帶邊城  
武陵溪上袁生笛吹盡關山幾許情

雙沼荷風颭畫屏一林梅雨洗幽庭日長心緒思家國  
地遠衷情念鵲鵲細草偏從行處綠好山多在望中青  
身兼吏隱今如此擾擾塵勞不用爭

侵城水色映飛樓樓外晴天屬望悠萬里山連百越遠  
五溪漲入九江流黃州陳迹知何似赤壁蒼烟久未收  
法像有廬真草草令人俯仰意難休

辰沅風壤帶三苗一望乾坤吐納遙翼軫衆星朝北極  
岷嶓諸嶺導南條天隣巫峽常多雨江過潯陽始有潮  
近日詩懷殊浩渺謾將新句寫芭蕉

沅州秋夜忽憶三年前秋夜之作二首

獨坐高堂蠟炬紅宛然秋與昔年同宦情不改來時淡

詩思渾如到日濃  
楊柳影斜簾外月  
芰荷香老水邊風  
莫言白筆南征久  
贏得歸囊一物空

黔中今是第三秋  
又聽蟲聲四壁幽  
脩竹林間天籟發  
芭蕉葉上露華流  
知非漸擬高人化  
學道寧忘長者謀  
好在燈花頻送喜  
沅江幾日放歸舟

次王侍御韻

憲府乘驄舊有名  
今秋偶爾會蠻荆  
虹霓氣接風雲氣  
珠玉聲隨咳唾聲  
萬里山川勞跋涉  
諸蕃部落待澄清

愧予無補空持節賴有丹心久更明

立春

辰陽城裏遇新春簫鼓蠻歌動四隣溪峒總無前世梗  
猺獞咸仰大明仁官梅向客開何數江柳催時發更頻  
春酒一杯聊自勸瞻天未已又思親

次王侍御見寄韻二首

去年秋晚送君時別後長懷遠道思健筆久推天下士  
明珠新得掌中詩官梅帶雪開何早旅鴈穿雲去未遲

想在南蕃多暇日春來寧惜寄新詞

沅州城裏去秋時忽見高人慰所思  
篠竹影邊開縱步芙蓉花底笑論詩  
已看獻歲逢春早頗訝經年會面遲  
折得官梅逢驛使殷勤遠寄重緘詞

院中梅花

地位清高迥絕塵官梅相對愈精神  
風霜拂處枝枝弱霽雪消時蕊蕊新  
素質不移千古性芳心長占四時春  
幾回攀折情無限笑比瑤華欲贈人

靜得軒為劉僉憲賦二首

結屋端居絕垢氛，獨懷冲默事天君。  
看從上下機緘露，悟到中間造化分。  
細雨緩催幽砌草，好風輕卷太虛雲。  
收功欲問知何似，縱是無聲也自聞。

晏坐高齋白晝閒，謾將生意靜中看。  
一簾時雨滋花竹，繞砌光風轉蕙蘭。  
野馬飛時情自適，幽禽啼處樂相關。  
久知萬物非身外，欲向無名學弄丸。

夏日院中遣興

金匱要略卷八  
荷葉池塘四月初滿庭梅雨正踈踈心閒已悟天無際  
性靜應知樂有餘架上詩書頻檢閱環中光景任盈虛  
鐵冠御史誰能識隱几無言學養愚

睡起口號

睡起霜臺萬慮清天時物理獨關情黃梅熟後無風落  
翠蘚看來冒雨生學向靜中方識味道全身內不干名  
懸知千古無言子不信人間有六經

謝李布政文英以字帖藥方見寄

政聞左轄振條綱忽寄書來喜欲狂字向池邊添妙法  
醫從肘後驗仙方十年契闊情如舊兩地相思意不忘  
會面湖藩須有日片帆行擬下沅湘

辰州喜雪

臘月江城不起塵朔風吹雪正頻頻臺端老栢貞心勁  
牆外踈梅冷蕊新地氣已應清瘴癘歲華行復見陽春  
久知樛散無他補祇詠豐年慰遠民

登沅州城樓

縹緲飛樓面面通  
霜臺多暇此從容  
牕含曉日烟霄上  
城繞秋山錦繡中  
天壓大荒均雨露  
地包絕域盡提封  
小臣弭節裁詩日  
誕播皇風萬國同

寄子侍郎廷益

黃甲同年二百人大名飛步獨超倫  
乘驄正仰風霜肅  
司馬俄承寵渥頻  
列郡年豐爭轉粟  
兩河春暖見歸民  
天書重疊膺殊寵  
好布人間雨露新

陽武懷古

黃河南下是通津縣郭千年枕水濱  
兵結團城猶有漢車驚博浪已無秦  
黑陽山晚橫殘照清水潭乾起暮塵  
立馬幾回思往事宰平誰識社中人

襄城道中

三持憲節過襄城喜見中州景物明  
天倚嵩高霜氣肅地連許潁曉烟橫  
輿圖渾渾開昌運民物熙熙樂太平  
萬里觀風良自負遠懷還擬遂平生

衛河舟中懷古

衰草蕪城澹月輝  
河流雖是昔人非  
北門鎖鑰輸平仲  
南渡兵車數岳飛  
汴水風高霜落木  
吳山秋晚露霑衣  
當時故老知何限  
空抱遺忠賦式微

左掖退朝口號

寶蓋初收扇影還  
千官行過石闌干  
天階好雨霑旌旆  
洞戶清風引佩環  
鐘響已飄雙闕外  
香烟猶繞五雲間  
久陪鴛鴦知無補  
自訝昇平際遇難

宿院簡焦羅張陳四侍御

楊柳風清憲府深  
晚涼時節自開襟  
星橫北斗三更杳  
月轉東瀛萬頃金  
握節幾時窮地脉  
觀書直欲見天心  
壯懷落落霜侵鬢  
誰伴單居御史吟

送孫俊先生致仕歸鄆陵三首

先生七十引年歸  
送別都門柳絮飛  
潞水東風斜捲幔  
金臺晚照遠銜衣  
收功桃李心初遂  
行樂桑榆志未違  
况復潁川多故事  
到家爭仰德星輝

歸老儒官七十餘  
扁舟唯載舊詩書  
泥融野岸晴飛燕

飯熟行庖曉薦魚花柳風煙新歲月桑麻雨露舊村墟  
到家處處堪行樂應有兒童為挽車

彭祖岡南古潁川先生茅屋尚依然甘貧已道為官好  
勇退爭誇引老賢歸路載添新白髮到家唯有舊青氈  
耆英洛社如堪結留取風流久遠傳

遣懷

樗材無補聖明時持斧年多鬢欲絲蘋藻久虛先壠薦  
詩書應有正人知趨朝鳳闕推先達退食烏臺愧後期

幸自此身安蹇拙幾看雲與意俱遲


同張侍御宿院

栢臺清絕小窻虛閒看遙空思有餘明月有光圓又缺  
浮雲不定卷還舒初晴爽氣澄襟冷入夜清風到面徐  
莫笑官貧身老大無名公已悟乘除

遣興

簿書夏日足官府忽憶少年行樂時高柳送涼蟬斷續  
清溪濯足石參差班荆或共高人語採藥頻從野老嬉

遠興無端真在想白雲芳草舊襟期



敬軒文集卷八